

# مجموعه فنون

۱۸

## جمعیت علمیه عثمانیه

برنجی پنه

ربیع الآخر

نومرو ۴

استانبول

وزیر خاتمه ارزنجانی اوغلو آرتین مناسیان مطبعه سنده

طبع اولمشد

۱۳۷۹

انواع مظالم و تعديات ارتكاب و حتى اورياه ورود ايدن كافه اجنبىانى  
قتل و اعدام ايلديكىنى حكايه ايدرلر .

(بقيدسى صكره) (خليل) (محمد جبل)

سفیر پترسبورغ سفیر پارس

(اوروپا قطعدهسى تاريخ و جغرافياسى) (مابعد)

ميلادك قرن سابعى ابتدا ازنده خطه حجازدن اشعه پاش ظهور  
اولان انواردين محمدى آز بر وقت ايچنده آسيا و افريقا قطعدهرينك  
اكر محللارنى تنوير و استيعاب ايتدكدنصكره اوروپا قطعدهسنه دخى  
واصل اولهرق اسپانيا كاملا و فرانسهك برازى اهل اسلامك داخل  
قبضه تصرف اولغله اسپانياده بر دولت اسلاميه تشكلى ايتيش واشبو  
دولت التيوز سنه دن متجاوز قطعده مذكوره ده اجراى حكومت و بو  
اثنا ده مدنيت و انسانيتك چوق خدمت ايدرلك مالك نصاب شرف  
و اقتدار اولمش ايكن رؤسا سنك اتفاق سزلغى ثمره مضره سى اولهرق  
صكره لى قوتلرينه ضعف كللى طارى اولمش و مجرد تسامح  
و قيد سزلقدين ناشى اسپانياك بر كوشه سنده كيرلنوب قالمش اولان  
خرسنيان دولت ضعيفه سى ايسه بالتدريج كسب قوت و قدرت ايله  
اهل اسلامه مقاومت ايلك درجه سنده كلمش اولغله طرفين يئننده  
محاربات كثيره وقوعندنصكره خرسنيا نلر غلبه ايدرلك عربلى كاملا  
اسپانيادن اخراج ايله قطعده مذكوره حكومتى كافى السابق خرسنيانه  
انتقال ايلشدر .

روسيه و اسويچ و دانمارقه اول وقتك كنجيه دكين دول معلومه دن

اولیوب اوروپا دولتہری صرہ سنہ میلادک قرن عاشرنده داخل اولشدردر  
 ہجرتک یدنجی و میلادک اون ارچنجی قرن اوآخرندہ اصل الاصول  
 شجرہ عثمانیہ جنتمکان سلطان عثمان خان غازی حضرتہری اناطولیہ  
 بنیان رصین الارکان دولت علیہ بی تأسیس ایلہ مشار الیہ حضرتہرینک  
 و اخلاف عظامنک متصف اولدقلری شجاعت و بسالت و کمال عدل  
 و مرحمت ثمرہ خیرہ سی اولہرق از بروقتہ اناطولی قطعہ سنک اکثر  
 محلاری فتح و تسخیر اولندقدنصرکہ سیف صارم عثمانیان اوروپا  
 قطعہ سندہ لمعانہ باشلیوب مدت قلیلہ ظرفندہ بلغار و صرب و مجار  
 و افلاق و بغداد و ارزبود قراللق و بکلکلی مثللو روم ایلیدہ  
 و جوارندہ بولنان بر طاقم حکومتلر قبضہ تصرفہ النہرق ہجرتک  
 سکر یوزالی یدنجی سندہ سی ابو الفتح و المغازی ایکنجی سلطان محمد  
 خان غازی حضرتہرینک قوہ قاهرہ قہرمانیلریلہ عنوہ استانبولک  
 دخی فتح و تسخیری مہسر و بوجہلہ میلادک اون بشنجی قرنہ دکن  
 بایدار اولان روما حکومت شرقیدہ سی سطسوت عثمانیہ ایلہ زیر  
 وزیر اولشدر • دولت علیہ عثمانیہ استانبول پای تخت اتحاد  
 بیوردقدنصرکہ ہر درلو اسباب و وسائط اقتدارہ دسترس اولوب  
 حکمداراننک اکثریسی دخی بحق جہانگیرک اوصافنی جامع ذوات  
 بسالت سماندن بولمغلہ چوق سورمیدرک اوروپا و اسیا و افریقا  
 قطعہ لرندن دہا بر طاقم محلاری ضمیمہ ممالک عثمانیہ اولہرق ہجرتک  
 قرن عاشرنده یعنی یاوز سلطان سلیم و قانونی سلطان سلیمان علیہما  
 الرحۃ و الغفران حضراتی زمان نصرت اقرانلرندہ دولت علیہ  
 عثمانیہ کرہ ارضہ بولنان دولتہرک برنجہسی اولشدر • صکرہری بر  
 طاقم عوارض سبیلہ دولت علیہ خارجاً و داخلأ بعض مصائب

و آكداره دوچار اولمش ايسه ده والد ماجد كثير المحامد حضرت  
 شهنشاهى جنتمكان غازى سلطان محمود خان ثانى حضرت تلى زمانده  
 جلوه كر مرآت تيسر اولان وقعه خيريه و ايجاد عساكر نظاميه دوات  
 عليه حبات تازه و ير مشدر . اليوم دوات عليه عثمانيه قطعات ثلث  
 كره ارضك الهمماز و محصولدار اولان يرلينه متصرف اولديغى حالده  
 دول موجوده معظمه نك برنجيسى دكل ايسه ده بريسى اولوب خصوصاً  
 اشبو اوان ميامن اقترانده ولى نعمت پيغمتمز پادشاهمزا افند مز كج  
 خلاصه افكارلى دوات عليه نيك استكمال شان و شوكت و صنوف  
 تبعدر نيك استحصال و سائل سعادت و ثروته منحصر بر حكمدار پر  
 اقتدار و بر شهر يار معدلث شعار و نقبختش سرير سلطنت بولمغله دوات  
 عليه عثمانيه نيك يقين وقته درجه قصواى شوكت و اقتداره وصولى  
 قوياً مأمول و منتظر در . جناب مانك الملك لم يزل اسب و خاندان  
 شوكت نشانى الى اخر الدوران سر يراراي خلافت و سلطنت واريكه  
 يراراي شان و شوكت پورسون آمين .

استانبولك فتحنده دوات عليه طرفدن اهابلسنه و يريلان امنيت  
 و سربستى حركت اوزرينه روملردن بك چسوق ارباب علم و معرفت  
 ايتاليايه و محال سائر هيه هجرت ايدرك اورارده تعليم و تدريس باشلامش  
 اولمريله اورو باجه انتشار علوم و فنون ايچون تاريخ مذكور مبدأ  
 اعتبار اولنور .

فلنك دولتى ممالكى اول اوستريايه و مؤخرأ اسپانيه مربوط ايكن  
 ميلادك بيك بشوز الشمس طقوزنجى سنه سى اسپانيادن ايريلوب بردوات  
 مستقله اولمش و پروسيا دولتى اون سكرنجى قرننه تأسس ايلشدر .

فرانسه ده اصلزاد كان ايله رؤساي مذهبيه نك اهالى سائر هيه

نسبتہ یک چوق امتیازری اولدیغندن مساوات طرفدارلرینک تحریک  
و تشویق بله بیک یدی یوز سکسان طقوز سنه میلادیه سنده بر فتنه  
عظیمه ظهور ایدوب یک چوق قائلر دوکلد کدنصرکه قرالتک الغاسیله  
اصول جمهوریت تأسیسنی منتج اولمشر . مشهور ناپولون بوناپارت  
جمهوریت ائساننده عادتاً بر کوچک ضابط ایکن محاربات واقعه ده  
کوستردیکی شجاعتی و فن حربجه درکار اولان مهارتی اقتضاسنجده  
ایلرولوب سرعسکر و رئیس جمهور و نهایت الامر ایمپراطور اولمش  
و ایتالیا و اسپانیه قطعہ لرینی کاملاً و الامانیاتک اکثر محارباتی ضبط  
و تسخیر ایدرک اوروپا تک حال و اداره سنی بوسبتون دکشدرمش اولدیغی  
حالده روسیه علیهنه وقوع بولان سفرنده شدت شتادن اویج درتیوز  
بیک عسکری تلف اوله رق قوتنه ضعف کلی طاری اولغله بو حالدن  
بالاستفاده انکتره لونک تشویق بله کافه اوروپا دولتری بالاتفاق علیهنه  
قیام و خیلی محاربه لر دن صکره غلبه ایدرک مشار الیهی اخذ و گرفت  
ایله انکتره لونک یدنده اولوب افریقا سواحلنده واقع امید برونه  
یقین بولنان سنت الن جزیره سنه نفی و اجلا ایلدیلر . اللی بر  
باشنده اولدیغی حالده جزیره مذکوره ده وفات ایلمشر . مشار الیهک  
بوصورتله اضمحلا لندن صکره قح و تسخیر ایلش اولدیغی مملک  
احسانه رد اولنهرق فرانسه حدود قدیمه سنه ارجاع اولندی .  
اوروپا حکمدارلری بر منوال محرر ناپولوندن یقه بی قور تاردق دنصرکه بیک  
سکر یوز اون بش سنه میلادیه سی تاریخیله و یانه ده بر قونفرانس تشکیلی  
ایله بینلرنده بر معاهده عمومیه تنظیم ایدرک دول موجوده ممالکی  
بونکله تحدید قلندی . الحاله هده اکثر دوات ممالکی اولوقت تعیین  
قلنان حدود ایله محدود اولوب فقط بلجیقا ایله فلنسک بر دولت ایکن

۱۸۳۱ سنه سنده ایریلوب ایکی دولت اولش و یونانستان قطعہ سی  
 ممالک دولت علیه داخلندہ بولندیغی حالده معلوم اولدیغی اوزره خیلی  
 وقت محاربه دنصکره انکلترة و فرانسه دولترینک التزام و معاونتیه  
 بر دولت مستقله هیننه کیرمشدر . و ایتالیا قطعہ سی متعدد قرالاق  
 و دوقه لغی مشتمل ایکن اوج سنه مقدم بر طرفدن فرانسه ایله ساردنیا  
 و دیگر طرفدن اوستریا دولتری بیننده وقوعه کلان ایتالیا محاربه سی  
 نتیجه سی اولق اوزره ناپولی قرالغیله سائر دوقه لقلر قطعہ مذکورده  
 واقع مزبور ساردنیا قرالغنه ملحق اوله رق ساردنیا قرالی ایتالیا قرالی  
 نامنی المش و شمديکی حالده ایتالیا قطعہ سنک پاپا حکومتیه اوستریالو  
 یدنده قالان ونديک ایلانندن بشقه محلاری ذکر اولنان ایتالیا قرالغی  
 دائره حکومتنه داخل اولمشدر . ( قدری )

### ( الغای قوائم نقديه ) ( مابعد )

اولوجهله اوراق نقديه نك ممالك محروسه يه تعمينه قرار ورلدكن  
 صكره در سعادته اوروپا اوزرينه قامبيوي طوتمق ايچون ايالاته توزيع  
 و ترتيب اولنان اوچبوز بيك كبسه لك نقود خالصه نك بدلی بولنان  
 قوائم نقديه طبع اولنه رق كله جك مارت ابتدا سنده تداوله چيقارلق  
 اوزره محلارینه ارسال قلندی .

عموماً تبعه شاهانه نك بويه بر حال مضايقه ده سلطنت سنيه  
 معاونتی مایه مفخرت عد ایده جکری درکار ایسه ده اوراق نقديه نك  
 در سعادته امر تجارت و معاملاتجه مشهود اولان سو تأثیراتی میدانده  
 اولدیغی جهته اکثر ایالات اها ایسی شوتدیرك درکار اولان وخامت  
 عاقبتی